

ده اویله ایدی؛ ناپولیون محاربه لرینک وجدانلرده بر اقدینی غمامه عمومی کندی روحنده طویلادی؛ و بوبدینلکی اولانجه شدتیه ادراک ایدوب اوکا بر صورت معقوله ویردی : اوندن بر فلسفه یاپدی . (لورد بایرن Lord Byron) ده اویله ایدی . شوپنهاؤهرک او فلسفه سنی نظاماً ترجمه

ایتدی ؛ فسونکار بر شعر صورتنده بستهله دی .

بناء علیه یالکز بوخارق العاده آدملری دقتلیجه تتبع ایتک، اونلرک دورینی ومنسوب اولدقلری جماعتک حسیت مرضیه سنی آکلامق ایچون الزم بر شرطدر . اونلر وجدان عصرک آینه سی در . خصوصاً که بر بویوک فضیلتلری واردر . پک صمیمی حس ایدر و پک صمیمی سویلرلر . صمیمیت ذاتاً دهانک لازمه اخلاقیه سی در . کرک شوپنهاؤهرک کرکسه (نیچ چه) نک غرور خود پسند نه سی - نمایش ایچون کتم حسیاته تنزل ایتیه جک قدر - طاشقیندر . اویله اولماسه یدی - مافوق البشر تصویرینه و ترقیات مدنیه ادعالینه رغماً - وجدان انسانک درین وقار کلتی طبقه لرنده ترسب ایدوب طورمش اولان حسیات حیوانیه نک ماهیتنه بوقدر قولایقله انفاذ نظر ایده مزدرک . بو آدملرک اک بویوک خدمتلی بودر . وجدانلرینی لایقیه آجیورلر ؛ فکرلری ایله ده اک قارا کلق گوشه لرینی تنویر ایدوب سزه کوستریورلر . سز اوراده ، بوتون انسانیتک جلی اولان قصورلرینی - تمثالی بر شکلده - کوره بیلورسکز . اوسبیلهدرکه اونلرک سویله دیکی سوزلر یکنظرده پک عجیب کوروئمکله برابر - شایان حیرت بر درجه ده من جهة حقیقته مقرون دوشویور . چونکه مایه اصلیمزله علاقه داردر . اصل معرفتلی شوکه کندی وجدانلرینی ایجه دن ایجه یه تحلیل ایدیورلر ؛ اصل فضیلتلری شوکه طوغروسی سویله یورلر .

(نیچ چه) نک عقائد اساسیه و افکار ذاتیه سندن هان هیچ برینی عیناً قبول ایده مدیکم حالده اعترافه مجبورم که ، بوتون افکارنده بر (نوه حقیقت) واردر . فقط هیئت مجموعه سنه باقارسه کز هر طرفی چوروک بر شفتالی به بکزر ؛ یالکز صاغلام اولان یری چکیرده کی در ؛ و یالکز چکیرده کی ایشه یارایه بیلیر : آلوب دیگر بر یرده نشوونماسنه تقید ایدرسکز پک اعلا میوه ویره بیلیر . فقط او حالی اوزره غذا دکل ، سم در .

اونلرک ایچون درکه بر جوق متفکرین و اخلاقیون (نیچه نیرم) ایله وجدان انامک تسم ایتدیکنی ادعایه قدر وارمشلر ایدی . بن ظن ایدرم که (نیچه نیرم) بر عصرده پیدا اولان بر حالت (نزوحیه نک آنجق) (دستور فلسفی) سی در ؛ و بناء علیه بر نتیجه در ؛ بر محصله در . ادعا ایده بیلیرم که اوروپا لیلر ، نسبتاً پک وحشی ، پک جاهل ، پک عاجز بر طقم قبائل سفلیه ایله و بر طرفدن ده فضله و مدنی ، فضله خلوق ، فقط هر مرسیده ملل قدیمه ایله صیقی صیقی به تماسده بولوندقدن صوکره ، اونلره قوتجه فائق اولدقلرینی حس ایتشلر و سرمست غرور اوله رق بوضلاته دوشمشلر در .

بوجنت غریبه نک صورت تولدی مستملکات اداره لرنده - بش اون سنه اول - کورولشدی ؛ و بوتون اوروپا غریبه لرنده بخشی اولدی ایدی :

آفریقای وسطا مستملکه لرنده اداره مأموری اولان بعضی ضابطان بروقتن اویله فرعونجه سنه بر استبداد اظهار ایتدیلر که نهایت ، عاجز و مقاومتمیز بر سنورو وحشی لر قارشیسندنه جنت کتیره رک کندیلرینی الوهیت مرتبه سنده کوردیلر . زنجی قادیلرینی - محضاً شنلک اجرا ایتک ایچون ! . . - صیریلرله باغلا یوب دینامیتلی فشکارله آتشله دیلر ؛ صوکره بوتورلو مظالم شنعه بی عادی اکلنجه (باغقاد ایتدیله . بالطبع بوجنونانه قاجت لک اوروپا مزاکر مدنیه سنده شیوعی عظیم رذالتلری موجب

اولدی . مستملکاته اوامر شدیده کونده رلدی . ای بیلیورم که بر فرانسه مستملکته سی قوماندانی و مدیری اولان بر یوزباشی وطنه قارشی عصیان و حکومتنه قارشی اعلان استقلال ایتدی . اون یوله کتیرمک ایچون بر معروف میر آلا یایله بر مفرزه عسکریه کونده رلدی . زواللی میر آلا یای ، یوزباشی ایله ملاقاته کلدیکی صیره ده اوته کی عاصی اون بر قورشونده یزه سردی ایدی . فرانسه ، حریفی اله کچیرمک ایچون عظیم فدا کارلقلره مجبور قالدی .

بوحادثه یالکیز فرانسه مستملکاته منحصر قالادی . آفریقانک دها بر جوق یرلرنده کوزولدی ؛ اوقدر که غزته جیلر بوکا - عادتلی وجهه - بر اسم بیله طاقیدیلر : (آفریقا خسته لانی mal d' Afrique) دیدیلر . آفریقاده طول مدت وحشی لر اداره سنده قالان ضابطلره عارض بر مرض مخصوص اولمق اوزره تفسیر ایتدیلر .

بن ظن ایدیورم که بوحالت غریبه (نیچه نیرم) کقوری بر شکلندن باشقه برشی دکلدی . بو فضا حتلری یاپان آدم نیچه نیرمی بیلسه یدی شویله بر ملاحظه بیان ایدره ک کندی نی معذور کوستره بیلیردی : [بو وحشی لر اسافل جنس بشر در . یعنی تعبر اصطلاحی ایله سویلیه م (اسفل اجناس race inférieure = Lower race) در . بز - هیچ اولما زسه اونلره نسبتله - بوسبوتون باشقه بر جنس ممثلی بز . بونلر بشر دن معدود ایسه ، شبه یوق که بز (مافوق البشر) ز .] ده یه بیلیردی . ده نیچه ده آرتق اوته سی قولایدر . مافوق البشر اولان انسانک حقوق مستثنائی افعال واجرا آتی اعتباریله خیر و شر فوقنده اولدوغنی صایوب دوکک زور دکلدی .

دیمک که (نیچه چه) نک کندی عالنده تصور ایتدیکي انسان کامل ، افریقا مستملکاتنده اقتضای احوال ایله بالطبع طوغویور و تحقق ایدیوردی . بوکا آفریقا خسته لانی دیمک ، بو خسته لنگ ماهیتنی اکلاماق در . ترنسوا آله متمکن اولان مدنی و بهادر بوئرلر اداره سنده بویله بر خسته لاق کوروله مامسی شایان دقت اولمالی ایدی .

بن اوروپاده بر جوق دفعه لر کیفیتی بالوسیه تحقیق ایتدم : بر جوق (افندی دن آدم) لر ، ادها ایدیورلردی که ، مستملکاتده مأموریتله وقت کچیروبده وطنلرینه عودت ایدن کیمسه لرک تربیه مدنیه سی فنا حالده بوزولوب برباد اولویور ، قاپا ، خودپسند ، مستبد ، حقیر ، والحاصل ناقابل هضم و تحمل بر سجه اکتساب ایدوب کلیورلر .

بونک سببی قابلیت انسانیه اعتباریله موازنه سزلکک ، حیثیت معنویه اعتباریله مساوات لرلکک طبع بشری افساد اتمه سی در . فطرت انسانیه ده ذاتاً بویوزدن فساد میل و استعداد وار . انسانلری اخلاقاً تفسخدن وقایه ایدن قوت ، معاملات متقابلده توازن حقوق در . بی نوعندن مقابله ، مقاومت کورمه بن بر آدمک وجداناً نه سفیل بر درکه پستی یه دوشه بیله جکی تفصیلاتیله ایضاح ایتک اوزون سورر . مصر قدیمده بر فرعونک ، اسکی ایرانده بر کیکاوسک دعوائی الوهیت ایده جک قدر تجنن اتمه سینه سبب بودر . اونلر کندی زمانلرنده حقیقتاً مافوق البشر برر (اعجوبه خلقت monstruosité de la Nature) ایدیلر . خیر و شر فوقنده ایدیلر ؛ ایسته دکلری یاپارلردی . ده کیزی دکنکلرله دوکدورور ؛ همشیره سنی ، والدیه سنی استغراش ایدر ودها بر جوق فضاخ اجرا ایده بیلر ایدیلر . یاپدقلری نه کنه ، نه ده عیب صاییلیردی .

موازنه سزلک بوتون بو غریب حالات روحیه نک سبب ابتدائی سی در . مبالغه ایتک ایسته میورم اما ، مستملکات اداره سی و نه مریالیزم پواتیقه سی بویوک ملتره البته بو غروری و برمش اولان عواملن بریدر . (نیچه چه) نک انسان کاملی بو لوحه اوزرینه رسم اولومشدر . بکا اویله کلیور !

بن، انجق حقوق طبیعه ده مساواته قائم؛ حیثیت معنویه و قابلیتده ده موقراسی برنسیبنی شدتله ردایدنلردنم. بونکله برابر، قطعاً او اعتقاددهم که انسانک کالی انسانیته همتی ایله متنا سیدر. خیره و هله فداکارلغه قابلیت ایله اولچولور. معافیه انسان، نه قدر کامل اولورسه اولسون، ینه مافوق البشر اوله ماز. مافوق البشر اعتقاددی، اکثریت انسانیه نك پت پرستلکه تنزلی شرطیه مقبوله و معقول اوله بیلیر. بیلیم بواهی بر شیمی؟..

شیمدی بزم صوفیه نظرنده انسان کامل نه در؟ اونی ده - شویله بر - کور یویره لم:

بو عالم (وجود مطلق) ك نا محدود جلوه لیدر. هر شی اونك (مظاهری) در. یعنی وجود مطلقك نامتناهی اولان اسما و صفاتندن برینه مظهریتله صورتیدر تجلی اولمیشدر. معافیه ینه (مراتب Hiérarchie) وار: خر مهره (یعنی قاطرجی بونجوخی!)، باشقه (دریم) باشقه!..

كذلك الماسه انجی به نسبتله اك خسیس نبات دها عالی در. چونكه اونده (قابلیت نمو) وار که الماسده یوق. طبق بونك کبی الك عالی بر جنس نبات، الك سفیل حیوانه نسبتله آشنای بر در که ده در. چونکه حیوانده نمو قابلیتندن ماعدا حس دخی وار. عینی سبیدن طولانی حیوانات ایچنده انسان جمله سندن افضل و اکمل بر نمونده در. چونکه اونده فضله اوله رق عقل و وجدان وار که اونکله خیر و شری، حق و باطلی تمیزه مقتدر اوله بیلور. اوندن طولانی انسان (اسم اعظم) ك مظهری در. الك بونوك مظهریته نائل اوله رق جلوه کویسترن و بناء علیه حقه الك یقین اولان اودر. اونك ایچون اون اسکن بیک عالمی نفسنده جامع در. (عالم صغرا microcosme) در. یعنی بوتون موجودات ممکنه بی (مینیا تور حالنده) عرض ایدر بر نمونده در. تجلیات سفلیه ایله وجود مطلق آره ستده (خط اتصال trait d'Union) در. اوندن طولانی اصطلاح صوفیه ده انسانه (برزخ جامع) دخی دیر لر. حالبوکه ماهیت انسانیه ده دخی مراتب وار. چونکه تکامل وار. بوتنکاملك فایه سی ده (وصال حق communion) در. بوکا موفق اولاق ایچون، بوتون مشتهیات حیوانیه دخی صیریلوب تصفیه نفس purification de L'âme اتمه لی در. دنیاچه، حتی آخرتجه هیچ بر آرزوسی قائمیه حق قدر (لا قیدی adia phorie) به واره بیلیمه لی در؛ او وقت شیطنندن قور تولوب ملکیت ایله اتصافه استعداد حاصل اولور و او وقت صوفی حقه واصل اولور. وجدانی هر تورلو (ادناس دنیویه) دن یعنی دنیا بسل کلرندن تصنی ایدنجه دیدار حق - کما هو - اوراده کندخی کویستریر. (رؤیه الله Vision en Dieu) سعادت یو در. بو، (جمع بعد الفرق) مرتبه سیدر. یعنی بذات امرده وجود مطلقدن آزیابوده بوانکان مالنده کوروند کدن مگره طی مراتب کال ایدر ك به حقه قدر اریقا ایدوب اونکله بر لسنك مرتبه سی در. بوکا (قوس عروج) دیر لر. بو مرتبه به ایدر کدن صوگره ینه نزول ایدر؛ فقط ارتق بیلد بکنز ایدر کبی دکلدر: (انسان کامل) در! دنیاچه خکنی جاریدر. (قطب عالم Le pôle du monde) و (غوث اعظم) در؛ یعنی اك بونوك یاردجی در. هر كسك امداد به پیشیر، ضرور، (Sauveur) در. خیر و محض خیر قابلیتنه مالکدر. شر اونك ماهیت قدسیه سیله ناقابل تألیف بر عارضه در. ذاتا شر (وجودی Positif) برشی دکلدر؛ (عبدی négatif) بر حاده در: (خیر اکیسکلکی) در. غوث اعظم اوقصائی، کال ذاتیسه تلافی و تسویه ایچون کلیدر. ظاهرده عادی آدم لر دن هیچ قوئی یوقدر: جامع قیوسندم اسکی یا بوج دیکوتن تخمین بر آد مجنز - اگر او مظهریتده ایسه - قطب در. ظواهر، بو حیثیت قدسیه سنه مانع دکلدر. کال انسانه اك بونوك مانع، کبر و غرور و خود پسند لکدر. چونکه بونلر شیطانك صفت ذاتیه سی در. قطبک

امور بشریه اوزرینه بویوک بر نفوذی واردر . خیر انام ایچون نه بی تصمیم ایدر سه اونی ساحه فعله
چقاریر و اجرا ایدر . ایسته اصطلاحده (همت) بوکا دیر لر .

حربه قطبیت ، (فرق بمدالجم) ایله اولور ؛ یعنی ، قوس غروچک منتهیه قدر ارتقا ایدوبده
حق ایله بر لغد کدن صوکره بوسبوتون مافوق البشری بر ماهیتله آریلوب ینه انسانلر ایچنه رجوع
ایله نمکندرکه بوده قوس نزولدر ؛ و بونکله (دور le devenir) تمام اولش اولور . بوندن صوکره
عالمک (عدل و قسط اوزره) دوام اداره سی ایچون قطب - همت ایله - هر کسی حقه دعوت و توجیه
ایدر . اونک مادوننده مأمورلری ده واردر . در حال اوندن صوکره درت کشی کلیرکه (اوتاد)
یعنی (وتد) لر بونلردر . قطبک درت دیره کی مثابه سنده در ؛ و اونک قائم مقاملری در لر . غوث عالم
اورطه دن سر اولونجه ، یعنی بوسبوتون عالم معنایه انتقال اینجه کندی اشارتی ایله اوتاددن بریسی
اونک مقامنه قئم اولور ؛ و بوسورتله عالم انسان کاملدن بر آن خالی قالماز . (اوتاد) ک مادوننده قرق
کشی دها واردرکه بونلره (ابدال) ددیلیر ؛ چونکه اوتاددن بری ایلرله بوب غوث اولورده
بری منحل قایر سه ، اوقرق کشیدن بری - ینه اشارت معنویه ایله - غائب اولان ذایه بدل اوله رق
اونک برینه کچر ، اونک ایچون اونلرک قرقی ده (بدل) لردر .

ایسته خلاصه الخلاصه اوله رق تصوفده انسان کامل نظریه سی بودر .

بونظریه ایله اوتنه کینک فرقی عظیمدر . اولاً بزم شرقده انسان کامل الحق بر دانه اوله بیلیر .
بوتون بر ملت یا خود بوتون اوروبا اوله ماز . اوندن صوکره انسان کاملک باشلیجه صفی حقه تجاوز
دکل ، خیر ایشله ملک و خلقی حقه دعوت اتمکدر . غرور دکل ، محویت کلیده در . الی آخره ...

همان هر شیده اولدوغی کی بی بعقیده ده دخی اوروپا مزاجی ایله حقیقی شرقی مزاجی آره سنده کی فرق
عظیم عیاناً کر و نویدور . بونلرک قیمتی تقدیر و یا خود قیاس اتمک ایچون دکل ، بو ایکی تصویری مختصراً

عرض اتمک . نبی ایله بوسوزلری سوله دم . مع مافیه بکاصور و لسه ، نیچه نک انسان کاملی کینی زیانکار بر دیوانه
اوتفدن ایسه ، قرق ابدالن بری اولنی ترجیح ایدردم . هیچ اولماز سه کیمسه به ضررم طوقو نمازدی .

حقیقه کمالک شانی ایقاع شره هیچ بروجهله قادر اوله مامقددر .

هله شیمدیاک آدم عقلانی انسان اولق ده یترا .

رضا یوسفی

هول من العدم

هول من الموت ، هول من العدم ، حاکم اولمشدر .

طیفلر کجیدی نک انتشاری مناسبتیه

هول من الموت ، هول من العدم ، حاکم اولمشدر .

هول من الموت ، هول من العدم ، حاکم اولمشدر .

هول من الموت ، هول من العدم ، حاکم اولمشدر .

هول من الموت ، هول من العدم ، حاکم اولمشدر .

هول من الموت ، هول من العدم ، حاکم اولمشدر .

هول من الموت ، هول من العدم ، حاکم اولمشدر .

هول من الموت ، هول من العدم ، حاکم اولمشدر .

هول من الموت ، هول من العدم ، حاکم اولمشدر .

هول من الموت ، هول من العدم ، حاکم اولمشدر .